

四庫全書

經部


欽定四庫全書

禮書卷五十二


宋 陳祥道 撰

禮書圖

冒圭四寸



鎮圭  
尺二寸  
有必寸



玉

太宰祀五帝贊玉幣爵之事

玉幣所以禮神玉與幣各如其方之色

祀大

神示亦如之享先王亦如之贊玉几玉爵大朝覲會同

贊玉幣玉獻玉几玉爵

玉獻國珍異亦執玉以致之

小宰凡祭祀贊

玉幣玉獻玉几玉爵之事玉府玉齊則共食玉

玉是陽精之純

者食之以樂水氣鄭司農云玉齊當食玉屑

若合諸侯則共珠盤玉敦

敦盤珠

玉以爲飾凡王之獻金玉兵器受而藏之內府凡四方之幣

獻金玉齒革八焉

諸侯朝聘所獻國珍

內宰大祭祀后裸獻則贊

瑤爵亦如之

祭統曰君執圭璜裸尸大宗執璋璜亞裸此大宗亞裸謂夫人不與而攝耳瑤爵謂

尸卒食王既醕尸后亞獻之其爵以瑤為飾

凡賓客之裸獻瑤爵皆贊

瑤爵所以

亞圭酬賓也坊記曰陽侯殺穆侯而竊其夫人故大饗廢夫人之禮

大宗伯以玉作六瑞

以等其邦國王執鎮圭

鎮安也所以安四方鎮圭者蓋以四鎮之山為瑤飾圭長尺有

二公執桓圭

公二王之後及王之工公雙植謂之桓桓宮室之象以安其上也桓圭蓋亦以桓為

璜飾圭侯執信圭伯執躬圭

信當為身聲之誤也身圭躬圭蓋皆象以人形為璜

飾文有虞黼黻耳欲其慎行以保身圭皆長七寸

子執穀璧男執蒲璧

穀所以養人蒲為席

所以安人二者或以穀為飾或以蒲為飾璧皆徑五寸不執圭者未成國也以玉作六器以

禮天地四方

禮謂始告神時薦於神坐書曰周公植璧秉圭是也

以蒼璧禮天以

黃琮禮地以青圭禮東方以赤璋禮南方以白琥禮西

方以玄璜禮北方

此禮天以冬至謂天皇大帝在北極者也禮地以夏至謂神在崑崙者也

禮東方以立春為蒼精之帝而大昊句芒食焉禮南方以立夏為赤精之帝而炎帝祝融食焉禮西方以立秋為白精之帝而次昊蓐收食焉禮北方以立冬為黑精之帝而顓頊玄冥食焉禮神者必象其類璧圓象天琮方象地圭銳象春物初生半圭曰璋象夏物半死琥猛象秋嚴半璧曰璜象冬閉藏地工無物唯天半見

有牲幣各放其器之色

幣以從爵若人飲酒有酬幣正義曰知幣是從爵非禮神者若是

禮神當在牲上以其神幣與玉俱設若肆師云立大祀用玉帛牲牷是帛在牲上今在下明非禮神者也云若

皆

人飲酒有酬幣者獻尸從爵之幣無文故以生人飲酒之禮況之案聘禮饗時有酬幣明此幣既非禮神之幣則獻尸後酬尸時凡祀大神享大鬼祭大示宿貺滌濯亦有幣之從爵也

涖玉鬯省牲饌奉玉盞詔大號

玉禮神之玉也始涖之祭又奉之

小宗

伯若國大貞則奉玉帛以詔號

號神號幣號鄭司農云大貞謂卜立君卜大封

凡祭祀賓客以時將瓚果

將送也猶奉也祭祀以時奉而授王賓客以時奉而授宗

伯肆師之職掌立國祀之禮以佐大宗伯立大祀用玉

帛牲牲立次祀用牲幣立小祀用牲

正義曰經言立大祀用玉帛牲牲者

天神中非直有升烟玉帛牲亦有禮神者也地示中非直有瘞埋玉帛牲亦魚有禮神者也宗廟中無升烟瘞



理直有禮神幣帛與牲又不見有禮神之玉或可以灌  
圭為禮神之玉亦通一塗立次祀用牲幣者天神日月  
星辰地示血祭社稷五祀五岳是也宗廟決  
祀已下與大祀同亦直有禮神幣帛而已  
天府季冬

陳玉以貞來歲之嫩惡

問事之正曰貞陳玉陳禮神之玉龜有天地四方則玉有六

者無正義曰夏之季冬將卜筮之時先陳玉以禮神

典瑞掌玉瑞玉器之藏

人執以見

神曰瑞禮神曰瑞

王楮大圭執鎮圭繅藉五采五就以朝日公執

桓圭侯執信圭伯執躬圭繅皆三采

朱白蒼

三就子執穀

璧男執蒲璧繅皆二采

朱綠

再就以朝覲宗遇會同于王

諸侯相見亦如之瑑圭璋璧琮繅皆二采一就以頤聘

璋以聘后夫人以琮享之也  
鄭司農云璋有所郭璋起  
四圭有邸以祀天旅上帝

鄭司農云於中央為璧圭著其四面一玉俱成爾雅曰  
邸本也圭本著於璧故四圭有邸圭末四出故也玄謂

祀天夏至郊天也上帝五帝所郊亦有五帝  
殊言天者尊異之也正義曰夏至郊所感帝兩圭有邸

以祀地以旅四望

兩圭者以象地數二也儻而同祗祀  
地謂祀於北郊神州之神正義曰按

河圖括地象崑崙東南萬五千里神州是也或解  
郊用三陽之月神州宜用三陰之月當七月祭也裸圭

有瓚以肆先王以裸賓客

鄭司農云於圭頭為器可以  
挹也裸祭謂之瓚故詩曰邸

彼玉瓚黃流在中國語謂之鬯圭以肆先王灌先王祭  
也玄謂漢禮瓚槃大五升口徑八寸下有槃口徑一尺

圭璧以祀日月星辰

圭其邸為璧璋邸射以祀山川以  
取殺於上帝璋邸射以祀山川以

造贈賓客

璋有郎而射取殺於四望

珍圭以徵守以恤山荒

杜子春云珍當

為鎮故書為鎮以徵守者以徵召守國諸侯若今時徵郎守以竹使符也鎮者國之鎮諸侯亦一國之鎮故以

鎮圭徵之也山荒則民有遠志不安其土故以鎮圭鎮安之玄謂珍圭王使之瑞節制大小常與琬琰相依王

使人徵諸侯憂山荒之國則授之執以往致王命焉如今時使者持節矣

牙璋以起軍旅以治

兵守

鄭司農云牙璋琅以為牙牙齒兵象故以牙璋發兵若今時以銅虎符發兵玄謂牙璋亦王使之瑞節

兵守用兵所守若齊人戍遂諸侯戍周正義曰漢文帝本紀云二年九月初與郎國守為銅虎符竹使符應劭

曰銅虎符從第一至第五國家當發兵遣使者至郎國合符合乃聽受之竹使符皆以竹箭五枝長五寸鐫刻

篆書第一至第五張晏曰以壁羨以起度鄭司農云羨代古圭璋從簡亦便其事也壁羨以起度長也此壁徑

長尺以起度量玉人職曰璧羨度尺以為度玄謂羨不  
圓之貌蓋廣徑八寸袤一尺正義曰減旁一寸以益工  
下則工下一尺  
橫徑八寸矣  
穀圭以和難以聘女  
其飾若栗文然  
琬

圭以治德以結好  
琬圭亦王使之瑞節諸侯有德王命賜之及諸侯使大夫來聘既而為壇

會之使大夫執以命事焉  
琰圭以易行以除慝  
琰圭亦王使之瑞節鄭司農云琰圭有鋒

芒傷害征伐誅討之象故以易行除慝  
玉人之事鎮圭尺有二寸天子守

之命圭九寸謂之桓圭公守之命圭七寸謂之信圭侯

守之命圭七寸謂之躬圭伯守之  
也命圭者王所命之圭也朝覲執焉居則守

之子守穀璧男守蒲璧不言之者闕耳故書或云命圭五寸謂之躬圭杜子春云當為七寸玄謂五寸者璧文

之闕亂

天子執冒四寸以朝諸侯

名玉曰冒者言德能覆蓋天下也四寸者

方以尊接界以小為貴

天子用全工公用龍侯用瓚伯用將

鄭司農云

全純色也龍當謂虎謂雜色玄謂全純玉也瓚讀為餐屢之餐龍瓚將皆雜色也卑者下尊以輕重為差玉多

則重石多則輕公侯四玉一石伯子男三玉二石正義曰盈不足術曰玉方寸重七兩石方寸重六兩云公侯四

玉一石伯子男三玉二石者案禮緯云天子純玉尺二寸公侯九寸四玉一石伯子男三玉二石此注出於彼

但此經公與侯異注及彼文公侯同又彼伯子男同七寸皆與此經不同者彼據商法但玉石多少與周同故

引之也若然公侯同四玉一石而尾瓚異者蓋玉色有別也

繼子男執皮帛

謂公之孤也見禮次

子男費用束帛而以豹皮表之為飾天子之孤表帛以虎皮

天子圭中必

必讀如鹿車緹之緹

謂以組約其中央為執之以備失墜正義曰聘禮記五等諸侯及聘使所執圭璋皆有纁繅及綯組所以約圭中央恐失墜即此中必之類若然中必尊卑皆有不言之也此綯四圭尺有二寸以祀天郊天所以禮其神也綯組一也

祀天旅工帝

大圭長三尺杼工終葵首天子服之

謂王所搢大圭也或

謂之琕終葵椎也為椎於其杼工明無所屈也杼綯也相玉書曰琕玉六寸明自昭也

土圭尺有

五寸以致日以土地

致日度景至不夏日至之景尺有五寸冬日至之景文有三尺土猶

度也建邦國以度其地而測其域

裸圭尺有二寸有瓚以祀廟

瓚如槃其柄用

圭有流前注正義曰大祀職之王過大山川大祝用事不言中山川小山川者舉大者而言或史卜祝為之也

琬圭九寸而縹以象德

琬猶圓也王使之瑞節也諸侯有德王命賜之使者執琬圭以

致命焉縹藉也

琰圭九寸判規以除慝以易行

凡圭琰上寸半琰圭琰半以上

又半為瑑飾諸侯有為不義使者征之執以為瑞節也除慝誅惡逆也易行去煩苛

璧羨度尺好

三寸以為度

鄭司農云羨經也好璧孔也爾雅曰肉倍好謂之璧好倍內謂之琬玄謂羨猶延其

袤一尺而廣狹焉

圭璧五寸以祀日月星辰

禮其神也圭其邸為璧取穀於上帝

璧琮九寸諸侯以享天子

享獻也聘禮享君以璧享夫人以琮

穀圭七寸

天子以聘女

納徵加於束帛

大璋中璋九寸邊璋七寸射四寸

厚寸黃金勺青金外朱中鼻寸衡四寸有縹天子以巡守

宗祝以前馬

射奕出者也。勺，鄭司農云：鼻謂勺。龍頭，鼻也。衡謂勺柄。龍頭也。玄謂鼻勺流也。凡流

皆為龍口也。衡謂勺徑也。三璋之勺形如圭，攢天子巡守有事山川則用灌焉。於大山川則用大璋加文飾也。

於中山川用中璋殺文飾也。於小山川用邊璋半文飾也。具祈沈以馬宗祝亦執勺以先之。禮王過大山川則

大祝用事焉。將有事於四海山川則校人飾黃駒正義曰：大祝職云過大山川大祝用事不言中山川小山川

使者舉大者而言或大璋亦如之。諸侯以聘女亦納徽加使小祝為之也。

大璋者以大璋之文飾之也。亦瑑圭璋八寸璧琮八寸如之者如邊璋七寸射四寸。

以頍聘。瑑文飾也。頍視也。聘問也。衆來曰頍。特來曰牙。聘聘禮曰凡四器者惟其所寶以聘可也。

璋中璋七寸射二寸厚寸以起軍旅以治兵守

二璋皆牙



之飾於琖側先言牙璋有文飾也正義曰軍多用牙璋軍火用中璋牙璋之飾多故先言之駟琮七

寸鼻寸有半寸天子以為權

以為權故有鼻

兩圭五寸有邸以

祀地以旅四望琬琰八寸諸侯以享夫人案十有二寸

棗栗十有二列諸侯純九大夫純五夫人以勞諸侯璋

邸射素功以祀山川以致稍餼

邸射剡而出也致稍餼納康食也鄭司農云素

功無文飾也

曲禮執圭操幣圭璧則尚左手行不舉足車

輪曳踵凡摯天子鬯諸侯圭王制有圭璧金璋不粥於

市錦文珠玉成器不粥於市月令春服蒼玉

凡所服玉謂冠飾及

所佩者之  
衡璜也

夏服赤玉中央服黃玉秋服白玉冬服玄玉

仲春祀不用犧牲用圭璧更皮幣

為季春將選而合騰之也

曾子問

曰師行無遷主則何主孔子曰主命問曰何謂也孔子

曰天子諸侯將出必以幣帛皮圭告于祖禰遂奉以出

載于齊車以行每舍奠焉而后就舍

以脯醢禮神乃敢即安也所告而不

以出即埋之

反必告設奠卒歛幣玉藏諸兩階之間乃出蓋

貴命也禮器曰諸侯以圭為瑞家不藏圭言有稱也又

曰圭璋特琥璜爵此以少為貴也

圭璋特朝聘以為瑞無幣帛也琥璜爵者

天子酬諸侯諸侯相酬以此玉將幣也

大圭不琢此以素為質也大饗其王

事與

謂袷祭先王

束帛加璧尊德也郊特牲曰大圭不琢美

其質也灌以圭璋用玉氣也束帛加璧往德也玉藻曰

執玉龜襲執龜玉舉前曳踵蹠蹠如也明堂位曰灌用

玉瓚大圭薦用玉豆爵用玉琖加以璧散壁角又曰執

玉執龜筮不趨雜記舍者執壁工介賁執圭祭統曰君

執圭瓚裸尸大宗執璋瓚亞裸

圭瓚璋瓚裸尸也圭瓚為柄酌鬱鬯曰裸大

宗亞裸君夫

聘義曰致饗餼還圭璋賄贈饗食燕所以

明賓客君臣之義也子貢問於孔子曰敢問君子貴玉而賤珉者何也為玉之寡而珉之多與

或珉石似玉或作玢也

孔子

曰非為珉之多故賤之也玉之寡故貴之也夫昔者君子比德於玉焉溫潤而澤仁也縝密以栗知也廉而不剌義也垂之如隊禮也叩之其聲清越以長其終詘然樂也瑕不揜瑜瑜不揜瑕忠也孚尹旁達信也氣如白虹天也精神見于山川地也圭璋特達德也天下莫不貴者道也聘禮受命于朝賈人西面坐啟櫝取圭垂纆

不起而授宰

賈人在官知物賈者繅所以宰執圭屈繅藉圭也其或拜則奠于其工

自公左授使者

屈繅者欲之禮以相變為敬也自公左贊幣之義使者受圭同

面垂繅以受命

同面者宰就使者北面並授之既授而君出命矣凡授受者授由其右受由其

也左既述命同面授工介

述命者循君之言重失誤工介受圭屈繅出

授賈人衆介不從

賈人將行者受享束帛加璧受夫人

之聘璋享玄纁束帛加琮皆如初

享獻也既聘又獻所以厚恩惠也帛今之

璧色繅也夫人亦有聘享者以其與己同體為國小君也其聘用璋取其半圭也君享用璧夫人用琮天地配

合之象也圭璋特達瑞也璧琮有加公側襲受玉于中往德也周禮曰琢圭璋璧琮以頒聘

堂與東楹之間賓出公側授宰玉聘于夫人用璋享用

琮如初禮君使卿皮弁還玉于館

還之者德不可取於人相切屬之義也皮

弁者始以此服受之不敢不終也

禮玉束帛乘皮

禮禮聘君也所以報享也亦言玉璧可知

也皆如還玉禮使者歸卿進使者使者執圭垂纁北面

工介執璋屈纁立于其左

此主於反命工介亦隨入並立東工

反命曰以

君命聘于某君某君受幣于某宮某君再拜以享某君

某君再拜

君亦揖使者進之乃進反命也某君某國名也某宮若言桓宮僖宮也某君再拜謂再拜

受也必言此者明彼君敬君已不辱命

宰自公左受玉

亦於使者之東同面並受也不右使

者由使也

受工介璋致命亦如之執賄幣以告曰某君使某

予賄授宰禮玉亦如之私幣不告

亦略卑也

聘遭喪

王國君薨

不

賄不禮玉不贈記所以朝天子圭與纁皆九寸剡上

寸半厚半寸博三寸纁三采六等朱白蒼

剡工象天圓地方也九寸

三公問諸侯朱綠纁八寸

二采再就降於天子也於天子曰朝於諸侯曰問互相備

皆玄纁繫長尺絢組

組無事則繫玉固以爲飾皆用五采組工以玄下以絳

凡四

器者唯其所寶以聘可也

四器圭璋璧琮

工介執圭如重授賓

賓執圭入門鞠躬焉如恐失之凡執玉無籍者襲

謂

也

覲禮至于郊王使人皮弁用璧勞侯氏升受玉使者

左還而立侯氏還璧朝以瑞玉有繅侯氏入門右坐

奠圭拜坐取圭升王受之玉侯氏降拜升成拜乃出三

享皆束帛加璧侯氏升致命王撫玉

王不受玉撫之而已輕財也

方

明者木也設六玉工圭下璧南方璋西方琥北方璜東

方圭記奠圭于繅上崧高詩曰錫爾介圭以作爾寶

毛曰寶瑞也箋云圭長尺二寸謂之介圭諸侯之瑞圭自九寸而下

韓奕曰以其介圭入

覲于王

鄭曰貢國所出之寶

長發曰受小球大球為下國綴旒

箋云



湯受小玉謂尺二寸圭也受大玉謂珽也長三尺執圭指珽以與諸侯會同雲漢曰圭璧既

卒寧莫我聽

箋云禮神之圭壁又曰盡矣

泮水曰來獻其琛舜典曰

輯五瑞班瑞于羣后又曰脩五禮五玉三帛二生一死

贄如五器卒乃復禹貢揚州厥貢璫琕雍州厥貢球琳

琅玕金縢曰武王有疾周公乃為三壇同墠

因大王正季文王請

命於天為壇於南方北面周公立焉植璧秉圭乃告大王

王季文王

璧以禮神植置也置於三王之坐周公秉桓圭以為贄

曰爾之許我我

其以璧與珪歸俟爾命爾不許我我乃屏璧與珪顧命

越玉五重陳寶弘璧琬琰在西序大玉夷玉天球在東

序大保承介圭工宗奉同瑁

大圭長尺二寸天子守之故奉以奠康王所位同爵

名瑁所以冒諸侯圭所以齊瑞信方四寸邪刻之

王乃受同瑁王三宿三祭

三啗

啗莫也

工宗曰饗

祭必受福贊王曰饗福酒正義曰工宗以同酌進王

太保受

同降盥以異同

正義曰祭以變為敬祀

秉璋以酢

太保以盥手洗異同實酒秉璋

以酢祭半圭曰璋臣所奉王已祭太保又祭報祭曰酢

授宗人同拜王答拜太保

受同祭濟康王之誥曰賓稱奉圭兼幣曰一二臣衛敢

執壤奠周語襄王使召公過及內史過賜晉惠公命晉

侯執玉卑拜不稽首

玉信圭侯所執執天子罷則工衡

內史過曰執玉

卑替其贄也

替廢也

拜不稽首誣其上也替贄無鎮

鎮重也

誣王無民魯語長勺之役曹劌問所以戰於莊公公曰

余不愛衣食於民不愛姓玉於神魯饑文仲以鬯圭與

玉磬如齊告糴仲尼曰古者分同姓以珍玉展親也齊

語桓公知諸侯之歸己也故使輕其幣而重其禮故天

下諸侯罷馬以為幣纓綦以為奉

綦綺文以純緝綦以為藉玉之繅

鹿

皮四分

分散也

楚語先王之祀也一純二精

一純一心純一而繫也二精

玉帛也 玉足以庇廕嘉穀使無水旱之災則寶之龜足以

憲臧否則寶之珠足以禦火災則寶之金足以禦兵亂

則寶之晉語公子夷吾居梁二年驪姬使奄楚以環釋

言環還也夷吾以白珩六雙納之公子繫重耳及河子犯

授公子戴璧公子曰所不與舅氏同心者有如河水沈

璧以質質信也左傳桓元年鄭伯以璧假許田莊十八年

虢公晉侯朝王王皆賜玉五穀非禮也雙玉為穀二十四年

哀姜至公使宗婦覲用幣非禮也御孫曰男贄大者玉

帛小者禽鳥以章物也僖二年晉以垂棘之璧假道於  
虞六年許男面縛銜璧見楚子七年申侯有寵於楚文  
王文王與之璧十一年天王使召武公內史過賜晉侯  
命受玉惰過歸告王曰晉侯其無後乎王賜之命而惰  
於受瑞先自棄也已其何繼之有二十三年曹共公饋  
重耳盤飧寘璧焉二十八年楚子玉自為瓊弁玉纓三  
十年衛侯納玉於王與晉侯皆十穀文十二年秦伯來  
聘襄仲辭玉答曰不腆先君之敝器使下臣致諸執事

以為瑞節又秦伯以璧祈戰于河宣十年凡諸侯之大  
夫違告於諸侯曰某氏之守臣某失守宗廟敢告所有  
玉帛之使者則告不然則否十五年伯宗曰瑾瑜匿瑕  
成二年韓厥奉觴加璧以進齊賂晉以紀甌玉磬十七  
年聲伯夢涉洹或與已瓊瑰食之襄十五年宋人得玉  
獻諸子罕十八年晉侯伐齊將濟河獻子以朱絲係玉  
二穀而禱曰苟捷有功無作神羞十九年公賄荀偃東  
錦加璧乘馬二十六年宋夫人饋左師錦與馬先之以

王三十年駟帶與子止盟用兩珪質于河昭四年賴子  
銜璧造於中軍王受其璧五年楚為啟疆曰朝聘有珪  
享覲有璋小有述職大有巡功十六年宣子有環其一  
在鄭商七年燕人歸燕姬賂以瑤璫玉櫝竿耳不克而  
還二十有四年王子朝用成周之寶珪于河甲戌津人  
得諸河上陰不佞以溫人南侵拘得王者取其玉將賣  
則為石定三年蔡昭侯為兩佩一獻楚昭王蔡侯歸及  
漢執玉而沈四年子魚曰武王分魯以夏后氏之璜五

年季平子卒陽虎將以璵璠獻八年陽虎取寶玉大弓  
十五年邾隱公來朝執玉高哀七年子服景伯曰禹合  
諸侯於塗山執玉帛者萬國十三年子服景伯曰王合  
諸侯朝覲玉帛不同十四年向魋出於魏地公文氏攻  
之求夏后氏之璜與之他玉十七年殺呂姜鬄取其璧

冒圭 四寸

玉人曰天子執冒圭四寸以朝諸侯書曰太保承介圭工  
宗奉同瑁書大傳曰古者圭必有冒言下之必有冒不



敢專達也天子執冒以朝諸侯見則覆之故冒圭者天子所與諸侯為瑞也瑞也者屬也無過行者得復其圭以歸其國有過行者留其圭能改過者復其圭三年圭不復火黜以爵六年圭不復火黜以地九年圭不復而地畢此所謂諸侯之於天子也義則見屬不義則不見屬鄭康成曰冒言德能覆天下也四寸者以尊接卑以小為貴也孔安國曰冒以齊瑞信方四寸邪刻之孔穎達曰諸侯即位天子賜之命圭首邪銳則冒當邪刻其

廣狹如圭首然冒之以知諸侯之信偽猶今之合符也  
瑁方四寸則圭首之廣無四寸耳天子以一瑁冒諸侯  
之圭則公侯伯之圭首廣狹等也瑁冒圭而已璧亦稱  
瑞其所以齊信未之聞也

上覆下謂之冒下冒上亦謂之冒易曰冒天下之道  
詩曰下土是冒上覆下也說文曰冒地而生農書曰  
土長冒櫛下冒上也瑁圭謂之瑁則覆下而已四寸  
所以冒四方邪刻之所以驗羣瑞天子執之以朝諸

侯則子男之璧亦在所驗其詳不可考也諸侯之朝  
天子執瑞圭搢象笏及輯瑞圭而以瑁驗焉蓋各執  
其所搢者禮曰見於天子無說笏是也孔穎達曰冒  
圭王與諸侯朝覲所執者小球尺二寸大球長三尺  
王與諸侯盟會所執者然詩言受小球大球則小球  
者蒲璧穀璧之類大球者桓圭躬圭之類而天子授  
之則非二尺與三尺之圭矣穎達之言非惑於詩傳  
之說歟

鎮圭

尺二寸  
有必

周禮大宗伯王執鎮圭典瑞王搢大圭執鎮圭繅藉五采五就以朝日又曰鎮圭以徵守以恤凶荒玉人職曰鎮圭尺有二寸天子守之鄭氏曰鎮安也所以安四方鎮圭者蓋以四鎮之山為飾

崇高敦厚而萬物附焉山也山之大者四方仰焉四鎮也周官職方氏九州皆有鎮山大司樂有四鎮五嶽鄭氏謂揚州之會稽青州之沂山幽州之醫無閭

冀州之霍山鎮圭以四鎮為瑑飾於理或然鎮圭尺

有二寸則天數也縹藉五采五就備文德也其用玉

全無厖雜也

考工記曰天子用全

其中有必防失隊也

考工記曰天子

圭中必鄭氏曰必讀緹緹以組約具中央以備失隊

古之飾刀室者謂之琕正

固弓者謂之鞬則約圭之中因以為飾而命之曰必

亦若是耳鎮圭王執之以朝日使者執之以徵守恤


凶荒蓋曰能鎮於下然後可以事工能鎮於此然後

可以召彼邇凶荒亦所以鎮之也玉人大琮十有二

寸射四寸厚寸是謂內鎮宗后守之則后之內鎮猶  
王之鎮圭耳鎮圭尺有二寸言其長也內鎮十有二  
寸言其方也小行人作瑱典瑞作珍故書作鎮

或曰  
鎮圭

猶天府所謂玉鎮非  
四鎮也是亦一說



禮書卷五十二

欽定四庫全書

經部

禮書卷五十三至  
七

詳校官尚書臣 德保

給事中臣 溫常綬覆勘

總校官檢討臣 何思鈞

校對官中書臣 陸湘

謄錄監生臣 蔣肇源

繪圖監生臣 戴禹伋




欽定四庫全書


禮書卷五十三

宋  
陳祥道  
撰


禮書圖  
大琮



王駟琮



后駟琮



上公桓圭



侯信圭


卷五十三



伯躬圭




子穀壁






男蒲璧




介圭




王  
繅

五五  
就采




公侯伯縹

三采  
三就




子男繅

朱  
采再綠  
就二




聘王縲

三采  
六就



問諸侯繅

再采  
就



大琮

玉人曰大琮十有二寸射四寸厚寸是謂內鎮宗后  
守之鄭氏曰琮體八方射其外鉏牙賈公彥曰八角  
鋒各出二寸兩相并四寸也然地體方而四隅有維  
蓋所射者四角而已考工記曰土以黃其象方則八  
角之說未之聞也天子鎮圭以禮鬼神宗后內鎮其  
用無所經見不可考也禮大圭不瑑而大琮謂之內  
鎮蓋亦刻鎮山以為飾而與大圭不類也夫王尊而



不親故為天下之所君后親而不尊故為天下之所  
宗觀祀天以璧祭地以琮則后固有宗道矣故謂之  
宗后

王駟琮

后駟琮

玉人駟琮五寸宗后以為權駟琮七寸臯寸有半寸  
天子以為權鄭司農云以為權故有臯也鄭康成云  
駟讀為組以組繫之因名焉然則駟琮與駟圭璋璧

琮之駟同以為權則與璧羨起度之意同璧羨起度而度不以璧駟宗起權而權不以琮書言闕石和鈞月令言正權石荀卿言衡石稱懸此權不以琮而以石也班固言圜而環之令肉倍好此權不以琮之方而以圜也禮曰天子與后猶日之與月陰之與陽相須而後成者也故建國則王立朝后立市祭祀則王耕以共粢盛后蠶以為祭服王獻尸后亞裸王親牽射牲后親薦豆籩賓客則王裸獻后亞之王致酒后

致飲玉亦王有鎮后有內鎮王有駟琮七寸后有駟琮五寸駟琮以為權而后有之者以其立市故也

上公桓圭

侯信圭

伯躬圭

子穀璧

男蒲璧

書曰輯五瑞修五玉如五器卒乃復周禮大宗伯以

玉作六瑞以等邦國公執桓圭侯執信圭伯執躬圭  
子執穀璧男執蒲璧典瑞公執桓圭侯執信圭伯執  
躬圭繅皆三采三就子執穀璧男執蒲璧繅皆二采  
再就以朝覲宗遇會同于王諸侯相見亦如之小行  
人成六瑞公用桓圭侯用信圭伯用躬圭子用穀璧  
男用蒲璧玉人命圭九寸謂之桓圭公守之命圭七  
寸謂之信圭侯守之命圭七寸謂之躬圭伯守之雜  
記曰圭公九寸侯伯七寸博三寸厚半寸剡上左右

各寸半鄭氏曰公二王之後及王之上公雙植謂之  
桓桓宮室之象所以安其上也信當為身身與躬圭  
蓋皆象以人形為瑑飾文有麤縟耳欲其慎行以保  
身也穀所以養人蒲為席所以安人璧皆徑五寸不  
執圭者未成國也蓋桓強立不撓而以安上為任故  
公圭瑑之身伸而躬屈伸者尊足以侯外而蔽內屈  
者卑足以長人而已故侯伯之圭瑑之子不足以長  
人而可以養人故璧瑑以穀男不足於養人而可以

安人故璧瑑以蒲圭者天之用璧者天之體盡其用者必盡其體得其體未必盡其用此圭璧所以不同也然王之三公八命其服七章之鶯冕其執七寸之信圭及大射則王服鶯冕故公降服毳冕降服毳冕則執躬圭而已此禮所謂曲而殺也五玉亦謂之五器亦謂之五瑞亦謂之摯

左氏曰男摯大者玉帛

大宗伯作六

瑞自王以下皆言執小行人成六瑞自王以下皆言用則執者自人言之也用者自玉言之也執之所以

行禮用之所以合符宗伯典瑞行人皆言執特小行人言用則行禮非小行人所專掌特掌其合符之事而已若夫不施於行禮合符則寶而守之此玉人所以又言守之也覲禮侯氏入門坐奠圭拜取圭升致命王受之玉侯氏降擯者延之升成拜乃出蓋於是時安玉崇玷之上明堂位所謂崇玷康圭者此也若夫壇壝宮之禮則諸侯升受王玉王授之於宰矣賈公彥曰壇上無玷當約聘禮側授宰玉其說或然易

曰良其身止諸躬也爾雅曰身我也躬身也蓋屈身為躬信躬為身言信圭則身可知鄭氏改信為身不必然也桓說文作嶽

介圭

書曰太保承介圭上宗奉同瑁詩崧高曰錫爾介圭以作爾寶韓奕曰以其介圭入覲于王爾雅曰介大也又曰圭大尺有二寸謂之玠夫王之大圭長三尺則尺有二寸所以錫諸侯者也諸侯之圭長不過九



寸錫以尺有二寸使寶之而已書於介圭言太保承  
之於瑁言上宗奉之書之介圭即大圭也王朝日執  
鎮圭搢大圭見諸侯則執瑁圭而大圭不搢則太保  
承之耳此承與奉所以不同也孔安國以書之介圭  
為王之守圭長尺二寸者毛氏以崧高韓奕之介圭  
為公之守圭九寸者鄭氏以崧高之介圭為所錫之  
圭尺二寸者以韓奕之介圭為享玉者然王與公之  
守圭曰鎮圭桓圭而已不謂之介其義當從鄭氏之

說

王纁

五采  
五就

公侯伯纁

三采  
三就

子男纁

朱綠二  
采再就

聘王纁

三采  
六就

問諸侯纁

二采  
再就

典瑞王搢大圭執鎮圭纁藉五采五就公執桓圭侯  
執信圭伯執躬圭纁皆三采三就子執穀璧男執蒲

璧繅皆二采再就瑑圭璋璧琮繅皆二采一就以觀

聘玉人琬圭九寸而繅以象德大璋中璋九寸邊璋

七寸有繅雜記贊行人曰圭公九寸侯伯七寸子男

五寸博三寸厚半寸剡上左右各寸半玉也藻三采

六等

藻薦玉者也三采六等以朱白蒼畫之再行也子男執璧作此贊者失之矣

覲禮侯

氏奠圭於繅上聘禮記曰所以朝天子圭與繅皆九

寸剡上寸半厚半寸博三寸繅三采六等朱白蒼間

諸侯朱綠繅八寸皆玄纁繫長尺絢組又曰凡執玉

無籍者襲曲禮執玉有籍者則裼無籍則襲左氏曰藻率鞞鞞昭其數也鄭氏謂纁所籍玉以韋衣木而畫之廣袤如其玉之大小一匝為一就蓋玉之籍以纁而纁之長眡玉米以象德之文就以象文之成君子以貞剛之質存乎內而以柔順籍之於外又有文焉然後可以行禮矣玉五采五就色不過五也公侯伯皆三采三就降殺以兩也子男二采而大夫聘王亦二采者禮窮則同也纁或作藻冕纁織絲為之則

圭纁亦然鄭氏與杜預皆謂以韋為之亡據也纁可  
垂可屈則廣於玉矣鄭氏謂各眡其玉之大小亦亡  
據也雜記贊行人曰圭公九寸侯伯七寸子男五寸  
博三寸厚半寸剡上左右各寸半玉也藻三采六等  
然子男執璧則博剡者公侯伯之圭而已子男之纁  
二采再就則三采六等者公侯伯之纁而已鄭氏曰  
作此贊者失之矣其說是也然則圭纁皆有組以繫  
之聘禮所謂皆玄纁繫長尺絢組是也璧纁蓋亦然

春秋傳所謂楚康王再拜皆厭璧紐是也先儒以垂  
纁為有藉屈纁為無藉此說非也考之於禮王有以  
纁為之藉有以束帛為之藉有藉則裼無藉則襲特  
施於束帛而已聘禮賓襲執圭公襲受玉及享則賓  
裼奉束帛加璧蓋聘特用玉而其禮嚴享藉以帛而  
其禮殺此裼襲所以不同玉人曰天子圭中必則與  
纁之絢組異矣先儒以絢組為必是必者人有之也  
豈禮意哉國語曰大采朝日少采夕月韋昭謂朝日

繅五采夕月三采

禮書卷五十三




欽定四庫全書


禮書卷五十四

宋 陳祥道 撰


禮書圖  
四圭有邸




蒼壁




兩圭有邸




黄琮



圭璧




璋邸射




青圭

卷五十四





赤璋



白琥

金匱要略

卷五十四



玄璜



牙璋



中璋



四圭有邸

蒼璧

大宗伯蒼璧禮天黃琮禮地典瑞四圭有邸以祀天  
旅上帝兩圭有邸以祀地旅四望玉人四圭尺有二  
寸以祀天兩圭五寸有邸以祀地旅四望鄭氏謂蒼  
璧禮天冬至祀天皇大帝在北極者也四圭祀天夏  
至祀感生帝於南郊者黃琮禮地者崑崙之示兩圭  
祀地者神州之示賈公彥謂黃琮以禮崑崙之示於

夏至則兩圭以祀神州之示宜於七月然感生帝與  
崑崙神州之說不見於經又分郊以異於丘別感生  
之禮以異於五帝王肅嘗攷之矣要之蒼璧禮天冬  
至之郊也四圭有邸非必冬至之郊也黃琮禮地夏  
至之祭也兩圭有邸非必夏至之祭也冬至用蒼璧  
夏至用黃琮牲幣亦如之所謂牲幣各放其氣之色  
是也非冬至則四圭非夏至則兩圭而牲幣蓋用駢  
黝矣所謂陽祀用駢牲陰祀用黝牲是也禮神之玉

蓋皆植於神位之前書曰植璧秉圭是也或曰大司  
樂言樂六變八變然後神示可得而禮又言歌黃鍾  
太簇之類以祀天神地示則禮之固在降神之後祀  
之又再禮之之後璧琮禮天地四圭兩圭祀天地蓋  
皆一祭兼用之也是不然何則青圭禮東方赤璋禮  
南方白琥禮西方玄璜禮北方則四方有禮玉無祀  
玉圭璧以祀日月星辰璋邸射以祀山川則日月星  
辰山川有祀玉無禮玉周官之書雖或簡略不應如



是之缺也然則祀之乃所以禮之康成以祀為禮其  
神於義或然書曰弘璧在西序爾雅曰璧大六寸謂  
之瑱漢郊祀志言皇帝始郊見泰一雲陽有司奉瑱  
玉蓋與周之禮天者異矣然則冬至禮天必以璧何  
也蒼春天之色圜鍾春律之管樂以圜鍾玉以蒼璧  
而牲幣皆蒼以冬至者陽氣之始故也

兩圭有邸

黃琮

大宗伯曰黃琮禮地典瑞曰兩圭有邸以祀地旅四望玉人兩圭五寸有邸以祀地旅四望爾雅曰邸謂之祗鄭氏謂四圭有邸中央為璧圭末四出兩圭有邸儻而同邸圭璧者圭其邸為璧賈公彥曰四圭兩圭及下璋邸皆言邸鄭皆以邸為璧圭璧不言邸故鄭還以邸解璧也然璧天象也祀天則四圭邸璧琮地象也祀地必兩圭邸琮日月星辰天類也必一圭邸璧山川地類也必一璋邸琮謂地與山川皆邸璧

非所稱也四圭則無所不達尺有二寸天之備數也  
兩圭則能地而已五寸天地之中數也玉人言玉之  
制其長不過大圭之三尺其短不過瑁圭之四寸由  
四寸而上之則祀地之兩圭祀日月星辰之圭璧宗  
后之駟琮皆五寸侯伯之信圭躬圭巡守之邊璋起  
軍治兵之牙璋中璋王之駟琮聘女之穀圭諸侯聘  
女之大璋皆七寸覲聘之瑒圭璋享夫人之瑒琮皆  
八寸公之桓圭象德之琬圭除慝易行之琰圭享天

子之璧琮巡守之大璋皆九寸璧羨度尺而鎮圭四  
圭裸圭大琮玉案皆十有二寸土圭尺有五寸則大  
圭三尺三寸之道也土圭尺有五寸夏至之景也其  
餘長短不倫各有所稱豈苟異哉

圭璧

典瑞圭璧以祀日月星辰璋邸射以祀山川以造贈  
賓客公羊傳曰璋判白則璋於圭璧半於兩圭兩圭  
半於四圭以禮有隆殺故玉有等衰也先王以大采

朝日少采夕月日月星辰有合祭有異祭有正祭有  
禱祈其禮雖不一而用圭璧一也

璋邸射

典瑞璋邸射以祀山川以造贈賓客玉人璋邸射素  
功以祀山川以致稍餼王制曰五嶽視三公四瀆視  
諸侯書大傳曰其餘山川視伯小者視子男周禮諸  
侯為賓諸臣為客山川賓客等衰雖殊其祀與造贈  
用邸射一也賓至致殮如致積致饗致贈如將幣聘

賓所過之邦餼之以其禮所聘之邦則卿致館宰夫朝服設飧賓既聘享君使卿韋弁歸饗餼夕夫人使下大夫韋弁歸禮蓋於是時用璋邸射歟璋邸射素功以其刮摩之功略也鄭氏以素功為無瑑飾若然是四圭圭璧之類有瑑飾乎玉人大琮大璋中璋皆射四寸牙璋亦射四寸特璋邸射不言寸數其詳不可以考

青圭

赤璋

白琥

玄璜

大宗伯以蒼璧禮天以黃琮禮地青圭禮東方赤璋  
禮南方白琥禮西方玄璜禮北方蓋璧圓以象天而  
天以始事為功故以蒼璧方以象地而地以終功為  
事故以黃東生物之方也故圭銳以象春西殺物之  
方也故虎嚴以象秋南正陽也陰居其半故障以半

圭北正陰也陽居其半故璜以半璧觀禮方明東方  
圭南方璋西方琥北方璜天府季冬陳玉以貞來歲  
之蠱惡龜有天地四方玉有六器皆其類也六玉之  
制不同而虎特取其形者以形成於秋故也古者鹽  
為虎形以示武敵為虎形以止樂亦此意歟然則禮  
神則璧琮重於圭璋圭璋無間於琥璜朝聘則圭璋  
重於璧琮而璧特重於琥璜而已何也圭璋二王之  
後所以享王與后也璧琮五等諸侯所以享王與后



也琥璜子男所以享諸侯者也又圭璋特達不加於束帛琥璜將送酬爵而已此六玉輕重之別也至於禮神則上下四方各象其類以求之與朝聘之禮異

矣昔成王賜伯禽以夏后氏之璜

定四年左

明堂位曰大

璜天子之器則陽虎所竊之寶杜預所謂大璜是也公羊曰璋判白誤矣昭公疾賜子家子雙琥公薨子家子反賜於府人則雙琥亦魯之所寶也說文曰琥發兵瑞玉為琥又白虎通曰璜以徵召然先王之時

發兵用牙璋徵守以鎮圭召人以瑗後世發兵乃用  
銅虎符不知說文白虎通何據而言然

牙璋

中璋

典瑞曰牙璋以起軍旅以治兵守玉人曰牙璋中璋  
七寸厚寸以起軍旅以治兵守鄭司農曰牙璋瑑以  
為牙牙齒兵象故以牙璋發兵鄭康成曰牙璋中璋  
皆有鉏牙之飾於琖側先言牙璋有文飾也賈公彥

曰軍多用牙璋軍少用中璋中璋亦有鉏牙但牙璋  
文飾多故得牙名而先言也春秋之時宋司馬請瑞

哀十四  
年左

以命其徒攻桓氏

杜預曰瑞符  
節以發兵

魏有兵符漢

有銅虎符以發郡國兵豈牙璋之類歟白虎通曰璋  
位南方南方陽極而陰生兵亦陰也故以兵起於義  
或然

禮書卷五十四

欽定四庫全書

禮書卷五十五

宋 陳祥道 撰

禮書圖  
圭瓚



璋瓚




大璋  
中璋  
邊璋







穀圭




大璋



琬圭



琰圭



圭璣

璋璣

大璋

中璋 邊璋

鬱人凡裸玉濯之陳之以贊裸事詔裸將之儀與其節

裸玉謂圭璣璋璣

大喪及葬共其裸器遂埋之

遺奠之羹典瑞與璣也

裸圭有璣以肆先王以裸賓客

鄭司農云於圭頭為器可以挹鬯裸祭詩曰瑟

彼玉璣黃流在中國語謂之鬯圭以肆先王裸先王祭也玄謂肆解牲體以祭因以為名爵行曰裸漢禮璣槃大

五升口徑八寸下有槃口徑一尺

玉人裸圭尺有二寸有璣

裸謂始獻酌奠也璣

如槃其柄用圭有流前注

大璋中璋九寸邊璋七寸射四寸厚寸黃

金勺青金外朱中鼻寸衡四寸有纁天子以巡守宗祝

以前馬

射琰出者也鄭司農云鼻謂勺龍頭鼻也衡謂勺柄龍頭也玄謂鼻勺流也凡流皆為龍口也

衡古文橫假借字也衡謂勺徑也三璋之勺形如圭璜天子巡守有事山川則用灌焉於大山川則用大璋加文飾也於中山川用中璋殺文飾也於小山川用邊璋半文飾也

王制賜圭璜然後為

鬯未賜圭璜則資鬯於天子郊特牲周人尚臭灌用鬯

鬱合鬯臭陰達於淵泉灌以圭璋用玉氣也既灌然後

迎牲致陰氣也明堂位曰灌用玉璜大圭祭統曰君執

圭瓚裸尸大宗執璋瓚亞裸

大宗亞裸容夫  
人有故攝焉

詩棫樸曰

濟濟辟王左右奉璋

箋云璋瓚也祭祀之禮  
王裸以圭瓚諸臣助之

旱麓曰

瑟彼玉瓚黃流在中

玉瓚圭瓚也黃金所以飾流也  
九命然後錫以秬鬯圭瓚箋云瑟

潔鮮貌黃流秬鬯也圭瓚之狀以圭為柄黃金為勺青  
金為外朱中央圭瓚謂之玉瓚黃金所以飾流鬯可知

矣

江漢曰釐爾圭瓚秬鬯一卣告于文人

卣器也九命  
錫圭瓚文人

文德之人也箋云王賜召虎以鬯酒一尊使以祭其宗  
廟告其先祖謂有德美見記也正義曰秬鬯一卣者祭

時在鼻未祭在卣賜  
時未祭故卣盛之

書文侯之命曰平王錫晉文侯秬

鬯圭瓚又曰用賚爾秬鬯一卣魯語魯饑文侯以鬯圭

與玉磬如齊告糴白虎通言九錫之禮曰孝道備者錫以秬鬯圭瓚宗廟之盛禮也玉以象德金以配情芬香條鬯以通神靈玉飾其末君子之性金飾其中君子之道金者和之至也玉者德美之至也鬯者芬香之至也君子有玉瓚秬鬯乎鄭氏釋小宗伯云天子圭瓚諸侯璋瓚既不得鬯則用薰故王度記云天子以鬯諸侯以薰

圭以象陽之生物璋以象陰之成事王之肆先王禮



賓客以裸圭后之亞裸與王之巡守以裸璋此王與后陰陽尊卑之分而宗廟賓客山川內外隆殺之辨也裸圭尺有二寸陽以偶成也大璋中璋九寸邊璋七寸陰以奇立也圭璋其柄也璚其勺也柄則圭璋純玉為之勺則玉多石少者可矣鄭康成許慎所謂璚四玉一石是也圭璚璋璚則玉為之三璋之勺則飾以金焉玉人所謂黃金勺青金外是也三璋射四寸厚寸勺鼻寸衡四寸有繅則鼻寸所以流鬯也衡

四寸勺徑也纁藉也圭璋瓚制蓋亦如此先儒謂凡流皆為龍口瓚槃大五升口徑八寸下有槃口徑一尺然古者有圭瓚璋瓚而無下槃有鼻而無龍口先儒之說蓋漢制歟周之時典瑞掌裸圭之名物鬱人掌裸事之儀節泣玉鬯則大宗伯贊裸將則小宰而內宰贊后之裸獻大宗伯攝后之載裸此王與后祭祀賓客之裸禮也惟天地之神無所用裸故典瑞裸圭止於肆先王玉人裸圭止於祀廟則天地無裸可

知禮曰諸侯賜圭璣然後為鬯故旱麓詩曰瑟彼玉璣黃流在中江漢詩曰釐爾圭璣秬鬯一卣而魯晉之國皆用焉以其有功於民者也祭統所謂君執圭璣裸尸大宗執璋璣亞裸

鄭曰容夫人有故攝焉

此諸侯用圭

璣之禮也周衰禮廢而臧文仲以鬯圭如齊告糴豈知先王所以康周公之意哉書曰王入大室裸記曰既灌而後迎牲則尸入裸之然後后再裸焉后再裸則大祭祀而已凡小祭祀蓋一裸也內宰大祭祀后

裸獻觀周官行人裸侯伯子男一裸則小祭祀一裸可知記言諸侯相朝灌用鬱鬯此亦賜圭瓚者之禮也

未賜圭瓚必資鬯於天子

宗廟禮神之玉

大宗伯有禮天地四方之玉典瑞玉人有祀天旅上帝祀地旅四望祀日月星辰山川之玉特於宗廟言裸圭有瓚以肆先王裸圭尺有二寸有瓚以祀廟則裸圭非禮先王之玉也賈公彥釋大宗伯謂天地有

神玉無鬱鬯宗廟有鬱鬯神玉裸用圭璋用玉氣也  
則宗廟之玉裸圭而已然考之太宰祀五帝贊玉幣  
爵之事祀神示享先王亦如之太宰伯祀大神享大  
鬼祭大示涖玉鬯鄭氏皆以玉為禮神之玉又書稱  
周公之禱大王王季文王而植璧秉圭魯子問稱天  
子諸侯將出以幣帛皮圭告于祖廟反必設奠歛幣  
玉藏諸兩階之間則宗廟之玉非特圭而已且裸以  
求神及神之格斯然後可得而禮則裸圭非禮神之

物也裸之所不用者天地而已其餘裸以圭璋又禮以玉而賓客之儀猶且裸與造贈異玉況先王乎然則典瑞玉人不言宗廟有禮神之玉者特其文不備耳

穀圭

大璋

典瑞曰穀圭以和難以聘女玉人曰穀圭七寸天子以聘女蓋穀圭以穀為文以善為義故可和難以釋

仇聘女以納徵也圭貴於璋璋貴於皮天子納徵以  
穀圭諸侯以大璋士以儷皮此尊卑之所別也然皆  
玄纁束帛以將之此尊卑之所同也士婚禮納徵玄  
纁束帛周禮凡嫁子取妻入幣純帛無過五兩雜記  
曰納幣一束束五兩兩五尋是也蘇秦傳曰錦繡千  
純犀首傳曰文繡千純裴駰曰純端名則周禮所謂  
純帛者匹帛也鄭氏改純為緇與士婚禮玄纁之制  
不類其說非也考之經傳大璋有三爾雅璋大八寸

謂之琬玉人大璋中璋九寸邊璋七寸射四寸厚寸天子以巡守而諸侯聘女之璋如邊璋制亦謂之大璋則九寸八寸皆可以大璋命之也

琬圭

琰圭

書曰琬琰在西序典瑞曰琬圭以治德以結好琰圭以易行以除慝玉人曰琬圭九寸而縹以象德琰圭九寸判規以除慝以易行行人曰時聘以結諸侯之



好殷覲以除邦國之慝鄭康成謂琬圭王使之瑞節  
諸侯有德王命賜之及諸侯使大夫來聘既而為壇  
會之使大夫執以命事焉琬圭亦王使之瑞節除慝  
亦於諸侯使大夫來覲既而使大夫執而命事於壇  
調人讎弗辟則與之瑞節而以執之鄭康成曰瑞節  
琬圭也說文曰琬璧上起美色也蓋琬圭圓而宛之  
也琬圭剡而有鋒也圓而宛之仁也故以治德以結  
好剡而有鋒義也故以易行以除慝琬圭判規則圭

上圓而判之與凡圭之琰上寸半者異矣康成謂琰圭琰半以上又半為瑑飾賈公彥曰判半也又云規明半以上琰至首規半以下為瑑飾可知然琬琰之有瑑飾於經無見此不可考

禮書卷五十五


欽定四庫全書

禮書卷五十六


宋 陳祥道 撰

禮書圖


璧羨  
廣一尺  
袤八寸




琢圭八寸




琢璋八寸



環壁 八寸



璩琮八寸







合六幣  
圭以馬



璋以皮




璧以帛 玄纁



琮以錦

卷五十六




琥以繡




璜以黼



玉案  
二十寸有




環





環



壁羨

表一尺  
廣八寸

爾雅曰肉倍好謂之璧典瑞璧羨以起度玉人璧羨  
度尺好三寸以為度鄭司農曰好璧孔也羨徑也鄭  
康成曰羨不圓之貌延其表一尺而廣狹焉蓋璧圓  
九寸好三寸延其表為一尺旁各損半寸則廣八寸  
矣說文曰入手卻十分動脈為寸口十寸為尺周制  
寸尺咫尋常仞諸度量皆以人之體為法又曰中婦  
人手長八寸謂之咫周尺也然則璧羨表十寸廣八

寸同謂之度尺則周制十寸八寸皆為尺矣以十寸之尺起度則十尺為丈十丈為引以八寸之尺起度則八尺為尋倍尋為常故黼深十寸內方八寸而為嘉量幣長一丈八尺而為制幣凡此皆璧羨縱橫之尺然也度心為璧以起之則圓三徑一之制又寓乎其中矣起度於璧羨權起於駟琮樂起於黃鍾之長則先王制器宣徒然哉凡以存天下萬世之法耳

璩圭

八寸

瑑璋八寸

瑑璧八寸

瑑琮八寸

典瑞曰瑑圭璋璧琮以覲聘玉人曰瑑圭璋八寸璧琮八寸以覲聘又曰瑑琮八寸諸侯以享夫入行人合六幣圭以馬璋以皮璧以帛琮以錦琥以繡璜以黼此六物者以和諸侯之好故鄭康成曰五等諸侯享天子用璧享后用琮其大各如其瑞二王之後享

用圭璋其於諸侯亦用璧琮耳子男於諸侯則享用琥璜下其瑞也凡二王後諸侯相享之玉大小各降其瑞一等及使卿大夫覲聘亦如之史記樂書曰情好珍善為之琰磨圭璧以通其意蓋玉有朝覲之玉有覲聘之玉有享獻之玉禮於朝覲之玉言其所琰桓躬信穀蒲是也覲聘之玉言琰而已琰圭璋璧琮以覲聘是也

鄭司農曰琰有圻鄂琰起

若夫享獻之玉諸侯以享

天子則不琰玉人謂璧琮九寸諸侯以享天子是也

諸侯以享夫人則琮玉人謂琮琮八寸諸侯以享夫人是也覲禮侯氏覲天子三享皆束帛加璧禮器曰束帛加璧尊德也郊特牲曰束帛加璧往德也夫諸侯相朝而享夫人以琮聘卿亦享夫人以琮則諸侯享后亦必以琮諸侯享王以璧聘卿享君亦以璧則諸侯相享亦必以璧玉人言璧琮以享天子則后舉矣言琮琮享夫人則璧舉矣鄭氏曰五等諸侯享天子用璧享后用琮其大各如其瑞皆有庭實以馬若

皮用圭璋者二王之後也二王後尊故享用圭璋而特之其於諸侯亦用璧琮耳子男於諸侯則享用琥璜下其瑞也凡二王後諸侯相享之玉大小各降其瑞一等及使卿大夫覲聘亦如之考之聘禮享君以璧而有庭實與馬特行人合六幣言圭以馬璋以皮而圭璋在璧琮之上則圭璋為二王後之禮可知公瑞桓圭九寸諸侯享王亦璧琮九寸諸侯即公也則璧琮各如其瑞可知公侯伯之瑞以圭而享以璧琮

下其瑞也子男之瑞以璧而享諸侯亦璧非下其瑞

也則享用琥璜可知

賈公彥曰子男之臣自享諸侯不得過君蓋用琥璜

公享

夫人璫琮八寸使卿大夫覲聘亦璫圭璋璧琮八寸

降其瑞一等則諸侯相享之玉大小各降其瑞一等

及卿大夫覲聘亦如之可知

賈公彥曰直言覲聘亦如之則聘享皆降一等

同

玉人言諸侯以享而不言公言璫圭璋璧琮而不

及公鄭氏知其為公何也弁師諸侯之纁旂九就公

之纁旂也聘禮所以朝天子圭與纁皆九寸公之圭



繅也禮之所言舉尊以明卑多矣奚獨玉人然哉聘  
禮曰凡四器者惟其所寶以聘可也則圭璋璧琮之  
類惟其所寶者而已此又先王權於禮者也楚遠啟  
疆曰朝聘有圭享覲有璋蓋朝聘之禮嚴於享特聘  
之禮重於殷覲故圭璋所用如此然諸侯之臣聘后  
夫人以璋二王之後享王以圭則啟疆之言亦有其  
大率者也夫圭璋象陰陽之用璧琮象天地之體故  
天子公侯伯之瑞以圭子男璧聘卿聘以圭享以璧

琮又圭璋特達璧琮有幣則圭璋貴於璧琮矣至於  
禮神各以所象求之此璧琮又重於圭璋

合六幣

圭以馬

璋以皮

璧以帛

玄纁

琮以錦

琥以繡

璜以黼

行人合六幣圭以馬璋以皮璧以帛琮以錦琥以繡璜以黼何也昔大王之於狄入事之以皮幣繼之以犬馬終之以珠玉是珠玉重於犬馬犬馬重於皮幣則合圭以馬合璋以皮宜矣繡黼皆陰功也繡則五色之全黼則白黑而已是繡備於黼也則合琥以繡合璜以黼宜矣婚禮納徵以束帛饗贈送者以束錦聘禮享君夫人以束帛覲以束錦上大夫與下大夫

致賓介饗餼皆以束帛賓介償之以束錦食禮名侑  
幣以束帛大夫相食以束錦是帛質於錦也則合璧  
以帛合琮以錦宜矣圭東方也馬動物也璋南方也  
皮文物也璧天象也天事質故以帛琮地象也地事  
文故以錦琥西方也萬寶之成莫備於此故以繡璜  
北方也陰陽之辨莫斷於此故以黼此六幣所以合  
之之意也皮馬不上堂故圭璋特然則璧琮琥璜皆  
非特達者歟

玉案

十有二寸

說文曰案几屬玉人曰案有十二寸棗栗十有二列  
諸侯純九大夫純五夫人以勞諸侯鄭司農曰案玉  
案也鄭康成曰玉飾案也夫人王后也記時諸侯僭  
稱王而夫人之號不別是以同王后於夫人也玉案  
十二以為列王后以勞諸侯也諸侯皆九列聘大夫  
皆五列則十有二列者勞二王之後也聘禮夫人使  
下大夫勞以竹簋方玄被纁裏有蓋其實棗烝栗擇

則棗栗實之器乃加於案也然玉人所言皆玉器非  
玉飾之器則所謂案者非玉飾者也酒正漿人有后  
夫人致飲于賓客之禮則是賓客之禮王夫人預焉  
非必記時諸侯夫人與王后同號也

環

爾雅曰肉好若一謂之環春秋傳曰子見南子環佩  
璆然又曰魯公賜仲環賜子家子一環一璧又曰宣  
子有環其一在鄭商

左昭十六年

晉語夷吾在梁驪姬使

奄楚以環釋言荀子曰絕人以玦反絕以環范甯釋  
穀梁亦曰君賜之環則還賜之玦則往蓋環之為物  
或施於佩或施於反絕佩環則不佩玦故晉獻公佩  
申生以金玦所以離之也反絕以環不以玦故晉驪  
姬使奄楚以環釋言於夷吾將以還之也韋昭曰然  
環還也然  
環有以金銀為之其制蓋與玉環不同毛公釋詩曰  
后妃羣妾以禮御於君所女史書其日月授之以環  
以進退之生子月辰則以金環退之當御者以銀環

進之著于左手既御著于右手其言蓋有所受也

瑗

爾雅曰好倍肉謂之瑗說文曰瑗大孔璧人君上除  
陛以相引荀子曰召人以瑗說者曰周禮珍圭以徵  
守然則天子以珍圭召諸侯諸侯召臣以瑗考之於  
禮君召臣以三節一節以走一節以趨天子徵諸侯  
則以珍圭非諸侯則以瑗歟

禮書卷五十六



欽定四庫全書

禮書卷五十七

宋 陳祥道 撰

禮書圖  
龍節之金為



人節之金為




虎節  
之金為

卷五十七



符節



管節




旌節



英蕩

卷五十七






傳



璽書

卷五十七



# 節

掌節掌守邦節而辨其用以輔王命

邦節者珍圭牙璋穀圭琥圭琬圭也

王有命則別其節之用以授使者輔王命者執以行為信

守邦國者用玉節守都鄙

者用角節

玉節之制如玉為之以命數為大小角用犀角其制未聞

凡邦國之使節

山國用虎節土國用人節澤國用龍節皆金也以英蕩

輔之

使節使卿大夫聘於天子諸侯行道所執之信也土平地也山多虎平地多人澤多龍以金為節鑄

象馬必自以其國所多者於以相別為信明也今漢有銅虎符杜子春云蕩當為帑以幽詭盛此節或曰英蕩

也畫並

門關用符節貨賄用璽節道路用旌節皆有期以

反節

也門關司門司關也貨賄者主通貨賄之官謂司市也道路者主五涂之官謂鄉遂大夫也凡民遠出

至於邦國邦國之民若來入由門者司門為之節由關者司關為之節其商則司市為之節其以徵令及家徒則鄉遂大夫為之節唯時事而行不出關不用節也變司市言貨賄者重節主以通貨賄非必由市或資於民家焉變鄉遂言道路者容公邑及小都大都之吏皆主治五涂亦有民也符節者如今宮中諸官詔符也璽節者今之印章也旌節今使者所擁節是也將送者執此節以送行者皆以道里日時課如今郵行有程矣以防容姦擅有所通也凡通達於天下者必有節以傳輔節有法式藏於掌節凡通達於天下者必有節以傳輔之必有節言遠行無有不得節而出者也輔之無節者以傳者節為信耳傳說所齋操及所通也無節者有幾則不達

圍土內之正義曰角用犀角者案釋獸云犀似豕注云角在鼻上犀角是角中之貴

故知不得用玉者當用犀角案小行人都鄙用管節注謂公之子弟及卿大夫之采地之吏也故用管節與此不同彼諸侯采地亦同用管節不異內外也山多虎者謂晉國之類也平地多人者若衛國之類也澤多龍者若鄭國之類也輔之者以函使不損壞也案昭二十九年公在鄆賜公行羔裘使獻龍輔於齊侯注龍輔玉名所以輔龍節與此別也太史公本紀漢文帝二年九月初與郡國守相為銅虎符竹使符應劭曰銅虎符第一至第五國家當發兵遣使者至郡國合符符合乃聽受之竹箭五枚長五寸鐫刻篆書第一至第五張晏曰符以代古之主璋從簡易也鄭引之者欲明漢時銅虎符本出於此也小行人達天下之六節山國用虎節澤國用龍節皆以金為之道路用旌節門闕用符節都鄙用管節皆以竹為之

此謂邦國之節也達之者使之

四方亦皆齋法式以齊等之也諸侯使臣行覲聘則以金節授之以為行道之信也虎人龍者自其國象也道路謂鄉遂大夫也都鄙者公之子弟及鄉大夫之采地之吏也凡邦國之民遠出至他邦他邦之民若來入由國門者門人為之節由闕者闕人為之節其以徵令及家徒鄉遂大夫及采地吏為之節皆使人執節將之以達之亦有期以反節管如今之竹使符也其有商者通之以符節如門闕門闕者與市聯事節可同也亦所以異於畿內也凡節有天子法式存於國正義曰行人亦是通四方之事言達天下之六節者據諸侯國而言掌節所云據畿內也虎節人節龍節三者據諸侯使臣出聘所執旌節符節管節三者據在國所用案掌節注變鄉遂言道路者容公邑大夫及小都大都之吏今此旌節中何知不亦容都鄙之吏而以都鄙吏在管節中者彼都鄙用角節文在上當直是都鄙之主此都鄙用管節最在下明都鄙吏在其中若然邦國之中都

鄙主及吏同用管節矣云亦所以異於畿內也者畿調  
內貨賄用璽節門闕用符節畿外同用符節是異也調

人凡和難弗辟則與之瑞節而以執之瑞節琰圭也行人凡

其使也必以旌節雖道路有難而不時必達比長若徒

于他則為之旌節而行若無授無節惟園土內之鄉大

夫國有大故以旌節輔令則達之大司徒若國有故則

制萬民於王門令無節者不行於天下司救凡歲時有

天患民病則以節巡國中及郊野以王命施惠布憲正

月之吉執旌節以宣布于四方而憲邦之刑禁掌交掌

以節與幣巡邦國之諸侯及其萬民之所聚司險若有  
故則藩塞阻路而止行者惟有節者達之懷方氏達之  
以節野廬氏凡有爵及有節者至則為之辟周語先王  
為贄幣瑞節以鎮之敵國賓至闕氏以告行理以節逆  
之

八節

玉節

鄭氏曰玉節之制以玉為之以命數為大小

角節

鄭氏曰角用犀角其制未聞



龍節 金為之

人節 金為之

虎節 金為之

符節

管節

旌節

節之為物或以玉或以角或以金或以竹或用以守  
或用以使或用以民周官掌節之所掌者八玉節也

角節也虎節也人節也龍節也符節也璽節也旌節也小行人之所達者六虎節也人節也龍節也旌節也符節也管節也掌節守邦國者用玉節守都鄙者用角節此用以守者也山國用虎節土國用人節澤國用龍節皆金為之此用以使者也門關用符節貨賄用璽節道路用旌節皆有期以反節此用於使與民者也

行人凡其使也必以旌節此使者所執也此長若徒于他則為之旌節以達之此民所執

也析竹為符節全竹為管節小行人有管節而掌節

無之者掌節所掌謂之邦節以輔王命則所謂邦國

之使節使邦國者所執也

鄭氏謂使卿大夫聘於天子諸侯誤也

小行

人所達謂之天下之節則所謂龍節人節虎節管節  
邦國都鄙使者所執非王官所掌也掌節無都鄙之  
使節以使都鄙者無節特以旌節行之也小行人無  
璽節以其所掌者使節而貨賄之事不預也然節不  
特八節六節而已典瑞珍圭以徵守以恤凶荒牙璋  
以起軍旅琬圭以治德以結好琰圭以除慝以易行

穀圭以和難以聘女鄭氏皆以為王使之瑞節則珍  
圭牙璋琬圭琰圭穀圭使者為信於所適者也龍節  
虎節入節符節旌節行入為信於道路者也調人凡  
和難弗辟則與之瑞節而以執之此琰圭耳則琰圭  
不特施於使者民亦與之也書康誥曰越小臣諸節  
春秋之時宋司馬握節以死司城效節於府人而去  
司馬牛致其邑與珪而適齊

杜預曰珪守邑之信符

則守節不

特於邦國都鄙雖官府小臣亦有之也考工記牙璋

穀圭七寸琬圭琰圭九寸漢竹使符竹箭五枚長五寸然則先王之節其長蓋亦不過於此若夫旌節之制又加長焉觀蘇武之杖節則非以寸計之也漢竹使符銅虎各分其半右留京師左付郡守唐符璽郎凡國有大事則出納符節班其右而藏其左先王之節其班藏蓋亦如此然老子曰執左契不責於人則藏其右者非是

英蕩

掌節凡邦國之使節山國用虎節土國用人節澤國用龍節皆金也以英蕩輔之鄭氏曰使節使卿大夫聘於天子諸侯行道所執之節也杜子春蕩當作帑謂以函器盛此節或曰英蕩畫函考之於經禹貢揚州貢篠蕩大射禮蕩在建鼓之間則蕩竹也詩曰二矛重英又曰朱英綠縢則英飾也節之函以竹為之而有飾焉先儒以為畫函其說是也言凡邦國之使節則使邦國者之所執非邦國使者之所執也言皆

金也以英蕩輔之則英蕩之輔王命特虎人龍節而已非輔其它也

傳

司關凡所達貨賄者則以節傳出之鄭氏曰商或取貨於民間無璽節者至關關為之璽節及傳出之其有璽節亦為之傳傳如今移所過文書節凡通達於天下者必有節以傳輔之鄭氏曰節為信耳傳說所齎操及所適蓋掌節所謂傳者凡通達於天下之節

有傳也司關所謂傳者璽節之傳也漢制門關用傳兩行書綰帛分持其一出入合之宣古之遺制歟文帝十二年除之景帝四年又復之除之於無虞之時復之於有警之後然先王之於天下先事而事先患而慮不為無虞而輕廢不為有警而後設

璽

周禮掌節貨賄用璽節職金掌凡金玉錫石丹青之戒令受其入征者辨其物之嫩惡與其數量揭而璽



之左氏曰季武子取卞使公冶問襄公璽書追而與之鄭杜皆曰璽印也漢舊儀曰璽皆白玉螭虎細文曰皇帝行璽皇帝之璽皇帝信璽天子行璽天子之璽天子信璽凡六璽衛宏漢舊儀曰諸侯玉印黃金橐它鈕文曰璽列侯黃金印龜鈕文曰印丞相將軍黃金印龜鈕文曰章中二千石銀印龜鈕文曰章千石六百石四百石銅印鼻鈕文曰印唐符寶郎武后改符璽郎為掌天子八寶及國之符節釋名曰印信也說

文曰執政所持信也。孫堅得傳國璽，方圓四寸，上有鈕文盤五龍，然則漢天子之璽，其方不過四寸，諸侯王以下其小，又可知也。



禮書卷五十七